

中國方志叢書·華北地方·第四六八號


據

清·朱廷獻修，劉日燧纂  
清康熙三十二年刊本

影印

河南省

# 新鄭縣志



成文出版社有限公司印行



\*10107441\*

101-102

中國方志叢書·華北地方·第四六八號

據


清·朱廷獻修，劉日燿纂  
清康熙三十二年刊本

影印

河南

# 新鄭縣志

成文出版社有限公司印行



\*10107442\*

294875

中華民國六十五年 月臺一版

# 新鄭縣志

全二冊

發行人：黃 成 助

出版者：成文出版社有限公司

台北市郵政信箱二二六〇五號  
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

大 中 丞 鑒 定

雲間朱吳谷先生纂脩

新鄭縣志

本  
略

續修新鄭縣志序

予於己巳夏之新鄭官明年

秋奉

閩大中丞檄修邑志辛未書成

以稿本上壬申冬字無損益

飭就梓人予以衝驛旁午卒  
卒未能將事閱甲戌春

顧大中丞來撫豫吏畏民懷百  
廢具舉復檄各屬僉謀剗厠  
梓成例得弁語簡端乃不揣

爲之序曰考古周官以職方  
掌輿圖而外史小史領邦國  
四方之志志之由來尚矣天  
子統御天下則聚海內山川  
疆域戶口人物之數著之版

籍藏之天府。所謂一統志也。  
嗣是而省有通志。郡有府志。  
邑有縣志。雖其間義例各殊。  
繁簡不一。而所以昭一統。垂  
千古。定是非。明鑒戒。以脩史

氏之採擇。則無弗同。典甚鉅  
也。新鄭本豫之下邑。然爲有  
熊故墟。自虞夏以迄元明。各  
賢羣跡。代有聞人。炳耀史冊。  
固衣冠文物之區也。志何可

弗脩。脩何可弗詳。乃自己亥  
迄今閱三十餘年。莫之或講。  
不無抱殘守闕。有待於作者  
甚亟。乃先後

兩撫憲雅志振興。弘修鉅典。嚴

檄各郡邑及時修舉。予不敏。  
敢不黽勉從事。矧邑志令責  
也。假令宰是邑而問其戶口  
若何。賦稅若何。日弗知。問其  
山川土俗與夫鄉之賢士大

夫前言往行若何日弗知以  
暨沿革損益先後異同若何  
日弗知予實思焉爰據圖籍  
載考方聞復集邑之紳士並  
博學君子校讐叅訂繁者刪

之。佚者補之。舛誤者引經據  
典而訂正之。稿凡數易。誠慎  
之也。夫士人。兀處一室。目不  
覩山川人物之奇。胸未羅丘  
索墳典之盛。幸服一官。日惟

簿書錢穀。縈擾志慮。而欲采  
風問俗。攷古証今。取邑之山  
川疆域。戶口人物。燦然胸臆。  
勒爲成書。難矣。况予脩位衝  
驛。日執手板。謀送迎。脩供億。

凜凜畏咎。苦不暇給。敢搯不  
律。自附於作者之林。何可得  
耶。是役也。仰見

聖天子百度咸飭。文教聿興。海隅  
日出。罔不漸被。先後

兩中丞復矢志振興弘修鉅典  
敢不辭固陋纂輯成書以告  
後之君子若曰是足以佐石  
渠纂修之業則予豈敢

康熙三十三年歲次甲戌

之吉

賜同進士出身知新鄭縣事庚

午癸酉文武同考雲間朱廷

獻題於古鄧官舍

